

籌辦夷務始末

籌辦夷務始末卷之七十四

同治九年庚午七月辛未成都將軍崇實奏竊等欽奉

上諭飭將貴州遵義教案會同曾璧光東公等商趕緊完結等因

欽此茲擇於六月十六日酌帶文武隨員數人稽巡閱邊
界為名自成都起程先赴重慶暫行駐紮查該處所屬之
綦江與貴州遵義連界尚易察看情形先將遵郡紳民妥
為開導再密與黔撫相機籌辦較之貿然直赴貴陽專聽
教士一面之詞似覺得體

諭軍機大臣等崇實奏查辦遵義教案起程日期一摺貴州遵義
教案日久未結自應迅速審辦崇實現於六月十六日自省起

程先赴重慶駐紮。將遵郡紳民間導。再密與曾璧光相機妥籌。雖係慎重辦法。惟重慶與遵義界分兩省。查辦大員未入黔境。將使洋人有所藉口。此案終難早結。著崇實體察情形。仍遵前次諭旨。馳抵遵義。督飭楊蔭棠。余思樞等持平妥辦。以期民教相安。免生枝節。現在直隸天津地方。又有焚毀教堂。毆傷領事之案。辦理正當喫緊。若外省教案。早日完結。亦足以折服其心。崇實務當悉心籌畫。以副委任。

甲戌工部尚書毛昶熙奏。竊臣於七月初五日抵天津。當即往晤直隸總督曾國藩。三口通商大臣崇厚。詢悉連日羅叔亞尚無動靜。惟聞該使擬回京商辦諸事。英國使臣

咸安場亦於前月杪到津。並有勸其回京之意。臣以津門
茲事之繁。全在地方官設法議辦。就近與該公使商酌。以
期及早了結。若任令回京。轉恐往返函商。致稽時日。當由
臣往晤該使。剴切開導。設法勸阻。雖似稍有轉機。尚未知
能否就我範圍。津門海口。現泊外國兵船數隻。據法國緒
譯官德微理亞面稱。係各口巡緝之船。臣詳加查察。尚無
上岸滋事各情。商民照常安謐。堪以上慰

宸廑。

諭軍機大臣等。毛昶熙奏抵津日期。並會商大概情形一摺。羅淑
豆擬回京商辦諸事。英國使臣咸安場亦勸其回京。據毛昶熙

奏將此案全在地方官設法議辦。就近與該公使商酌。及早了結。若任令回京。轉恐往返函商。致稽時日等語。所籌甚是。著曾國藩。毛昶熙。崇厚。悉心會商。與羅淑亞就近在天津迅速議結。毋令該公使回京。致此案轉形稽滯。至為首滋事之犯。著仍遵前旨。趕緊緝拏。以為轉圜地步。曾國藩等務當妥速籌辦。上維國體。下順輿情。以期力保大局。

乙亥。協辦大學士胡廣總督李鴻章奏。竊臣六月二十七日抵西安。正與蔣志章籌布防務。七月初四日。承准軍機大臣密寄。六月二十八日。奉

上諭。天津滋事一案。曾國藩奏。請將辦理不善之天津府交部治

罪等因。欽此。臣伏讀之下。震悚焦急。莫可名言。前准總理衙門
暨曾國藩函知津事原委。臣料夷情叵測。卽商請曾國藩
酌調親軍勁旅。移紮附近衝要。若該酋無理取鬧。尚可稍
有搪抵。並密飭現駐直東之臬司劉盛藩。丁壽昌各帶銘
軍。相機準備。昨接曾國藩六月二十三日玉稱。法使羅淑
亞照會。將天津府縣抵命。該府縣並無大過。不得已奏交
刑部治罪。已覺內愧方寸。外干清議等語。臣正增憂系。茲
蒙

聖明指示。斷不能如此辦法。仰見

權衡至當。該酋等平日脅

朝廷以制官。脅官以制百姓。其心固甚畏百姓也。今未根究下子兇犯。先欲官為抵償。不但無以服天津士民之心。亦無以服天下臣庶之心。夫是非者立國之本。此案屈在津民。業經事事認錯。情理備至。而羅淑亞等恃強逞忿。不論是非之公。並欲使我

國家蒙恥。其是非。即今隱忍遷就。後將何以立國。想毛祖熙下日。得到津後。必與曾國藩等妥商。趕緊訪拏兇犯。議抵。惟該國既有兵船到津。聞復往安南等處。陸續徵調。

京畿根本重地。豈可束手受制於人。誠如

聖諭。亟應豫籌備禦。臣昔在蘇滬。與洋人久相交涉。所部將士。與

洋兵曾共戰陣。習知其平素伎倆。專恃火器。水路船礮。我軍或難與爭長。陸路野戰。彼族亦難操必勝。蓋大礮笨重。不宜運行。又洋人不能自紮營壘。一敗則無歸宿也。疊准左宗棠咨。甘省軍務。漸有起色。陝回敗殘無多。期之歲月。必能得手。

聖主可釋西顧之憂。數日當以

畿輔為急。現已傳知郭松林。周盛傳等。督催各營。剋日分起啟程。且擬先帶馬步親軍八營。於初七日由西安進發。至潼關渡河。取道山西。馳赴近畿一帶。擇要駐紮。屆時請

旨遵行。一面咨商著湖廣督臣李瀚章。趕飭後路各臺局。改道解

運餉銀軍火。以期接濟無誤。其陝省防勦事宜。遵即知照。左宗棠將志章等辦理。

李鴻章人奏。再據辦理西征糧臺翰林院侍講學士袁保恆咨稱。竊保恆恭聞邸鈔。知天津民教構釁。洋人受創甚鉅。積怒甚深。知必有非理要求。兵船被制之案。私憂竊慮。寢饋不安。伏念保恆世受

國恩。無可圖報。既聞

畿輔有警。凡可以分

君父之憂。故馳驅之力者。義當不避艱險。慷慨赴之。竭蹶趨之。當聞信之始。即擬具摺奏。請馳赴直隸。聽候驅策。稍效愚誠。

茲聞臣奉

旨馳赴直省。想係夫人獲還。軍情緊急。私懷慈戀。

闕廷。益覺食不下咽。請臣附驛代達悃忱。仰求

恩准效力。幾縷。俾遂捍衛之義。以伸忠愛之私。至保恆現辦西征。

糧餉。經陝甘督臣左宗棠奏明。專司催餉。一切均有頭緒。

接手之人。不至為難。查有太常寺少卿王家璧品望素優。

老成勤懇。現在西安。亦係奉

旨歸左宗棠差遣。位屬京卿。與各督撫咨函往來。提催軍餉。體制

相宜。可以接管。又保恆兼管甘肅總局。隨時咨請戶部覈

獎。王家璧並可兼管。如慮覈算事項。查有現管軍需局知

府沈應奎。句稽精敏。可以幫同料理。此外並無經手未完事件。如蒙

俞允。朝受

命。可交卸清楚。亦不致有遲延。保恆辭易而就難。辭遠而就勞。實係迫於血誠。不能自己。除咨請

欽差大臣左宗棠查照酌裁轉行外。理合懇誠咨請附奏等情。前來。查來保恆於七年四月奉

旨發交臣營差遣。見其勇於任事。能耐艱苦。聯絡各軍。商酌機宜。於兵事亦有聞歷。臣昨行抵西安。該學士面稱。風聞天津救民滋事。幾釀恐有警要。擬自行奏請募兵赴直。稍盡捍

衛之域。臣當以接據天津府道丁壽昌等來書六月十九日。羅淑亞與曾國藩初次相見。語氣尚為平和。並未過肆要挾。暫宜靜候等語阻之。茲聞臣奉

命赴直。復咨請代奏各情。實出於報效惓忱。且未敢墮於上聞。應否准其前往之處。伏候

恩旨。轉行知照。

李鴻章又奏。前直隸提督一等男劉銘傳。上年因傷病復發。奏請開缺調養。臣今春疊有黔陝之役。曾函商該提督能否力疾視師。據稱違患尚非甚急。若至軍情喫重。義當復出等語。查劉銘傳歷勦髮捻各逆。紀律嚴明。威望素著。

其才器智略。可當一面。尚在楊岳試鮑超之上。所部銘宇馬步各營。經曾國藩奏交劉盛藻。于壽昌接帶。拱衛

畿輔。現在事勢緊急。該提督深明大義。分應投袂而起。稍助聲援。臣已飛呈敦勸。該提督寄居安徽六安州。可否請

旨寄諭該提督。勉日兼程赴營。並幫辦臣處軍務。將來如有他處征討。該提督堪膺重寄。但使糧餉無缺。必不致有覆軍傾軔之虞。

李鴻章又奏。再法使羅淑惡。必欲將天津府縣立即正法。據其照會內稱。所開所查。實由府縣幫同行兇。又稱有主使動手之人。經曾國藩等據理駁斥。該使尚悻悻不平。臣

查外國審辦命盜重案。必以證據口供。當堂質對確實。反覆研究。乃能定讞。與中國明慎用刑之意略同。竊料該使到津後。必有洋行買辦通事。及習教無賴之徒。從中箝弄。以致顛倒失實。若僅空言駁斥。徒激其怒而啟其疑。此案終難妥結。臣愚擬請

密諭毛昶熙崇厚等。詢明該使所聞得自何人。所查得有何據。項將如何幫同主使證據交出。由中外大員會同提集該府縣當堂質訊。必如外國辦案。兩造俱肯認供。毫無抑勒翻異。乃可成信辭而服眾心。果該府縣有此實在重情。亦不能曲為寬貸也。儻該使竟不交出證據。或不肯傳往會訊。

是其情虛而兇詖亦當漸減該府縣張光藻等想必逸有切實親供應由該大臣等相機照會法使仍趕緊訪拏真正兇犯迅速議抵較之空言抵牾或者稍易轉圜且相距太遠於局中情形未能深悉姑就惡慮所及冒昧瀆陳

諭軍機大臣等李鴻章奏酌帶各軍剋日起程並代表袁保恆請赴直效力各摺片天津之事現經毛昶熙前往會同曾國藩辦理旬日以來法使羅淑亞仍復恃強逞忿海口兵船雖祇數隻惟夷情叵測難保不陸續駛至肆意要挾必須及早布置有備無患方可徐圖轉圜李鴻章現已飭令郭松林周盛傳等軍分起啟程並先帶親軍八營取道山西馳赴近畿實能忠勇任事

深慰虛懷。該督馳抵直境後。應駐紮何處。屆時再行請旨辦理。
袁保恆現辦西征糧臺。情形較熟。未便遽易生手。所請赴直效
力。著毋庸議。李鴻章另片奏。請飭劉銘傳赴營。前已諭知曾國
藩。飭令該提督赴直。統帶銘軍。本日復諭英翰。准令迅速起程。
至所陳詢明羅使所聞張光藻等主使有何證據。亦已諭令曾
國藩等商辦矣。

又

諭李鴻章奏。請調提督赴營等語。直隸天津滋事一案。不能不為
布置。李鴻章現已遵旨督兵馳赴近畿。以備緩急。前任直隸提
督劉銘傳。謀勇兼優。威望素著。該提督深明大義。當此事機。與

緊之時。自應力圖報效。著英翰卽行傳諭劉銘傳。剋日兼程赴營。指資統率。駐紮張秋銘軍馬步各營。業經曾國藩調赴滄州一帶。並著如照該提督保明前進。以期迅速。

又

諭李鴻章奏。羅淑亞必欲將天津府縣正法。其照會內稱實由府縣幫同行兇。又稱有主使行兇之人。請飭毛昶熙等。詢明該使所聞得自何人。所查得有何據。須將如何幫同主使證據交出。由中外大員會同提集該府縣當堂質訊。必兩造俱肯認供。方成信據等語。曾國藩現將天津府縣解交刑部治罪。本日軍機大臣呈遞毛昶熙致總理各國事務衙門信云。有羅淑亞即擬

進京之語。該府縣解送到部時。萬一羅淑亞欲到刑部觀看審訊。殊屬不成事體。現在俄比各國均向總理各國事務衙門探聽。將來該府縣到部時。外國人能否前往聽訊等語。雖經該衙門當時竭力阻止。然亦不可不防。若仍令張光藻等在津呈遞親供。曾國藩等與羅淑亞據理辯駁。較為妥善。將來定案時。仍由刑部覆覈。以符曾國藩原請交刑部之奏。著曾國藩等斟酌辦理。本日已傳諭錢鼎銘將該府縣仍行解赴天津候質。曾國藩等於張光藻等抵津後。先行取具親供。照會羅淑亞。如羅淑亞仍自狡執。再向詢問該府縣幫同主使。究竟有何證據。即得之傳聞。亦應將聞自何人。確鑿指出。再行當堂質訊。以昭覈實。

若以游移無據之詞。欲將該府縣正法。斷不能如此辦理也。張光藻等既在天津傳質。羅淑亞自亦應在津。以免往返。而商曾國藩等即可照會羅淑亞在津商辦。以期迅速了結。如羅淑亞進京。更無轉圜地步。曾國藩等諒亦統籌全局。熟計深思。至正先亟應嚴緝。前所獲犯。趕緊審訊議抵。較之空函抵制者更為得力。原片均著鈔給閱看。

又

諭已革天津府知府張光藻已革天津縣知縣劉傑。前經曾國藩奏明交部治罪。惟革員等應得之罪。亦應在津取有親供。質訊明確。再行交部嚴辦。方昭平允。著錢鼎銘即行派員將革員等

解往天津聽候質訊

丙子。大學士直隸總督曾國藩。工部尚書毛昶熙。三口通商大臣兵部左侍郎崇厚奏。竊羅淑亞前以天津府知府張光藻。天津縣知縣劉儒提督陳國瑞三員。有主使殺害洋人之意。應議以抵償。當經臣國藩一面奏請將府縣交刑部治罪。一面以陳國瑞係案外之人。府縣亦不能即行正法等情。分別照覆該使。並疊奉

諭旨。以此事萬難允准。連卽力與相持。不稍游移。該使旋有回京商辦之說。及臣昶熙到津。卽會同臣崇厚。往晤羅淑亞。德微理亞。剴切開導。勸止。頗似稍有轉機。不意初七日戌刻。

該使臣等來臣祖然寓所。仍堅執前說。必令該三員抵償。並當面恐嚇。若不照辦。難免兵端。經臣祖照力持正議。與之辯論許久。告以將府縣交部治罪。已屬曲從。至議抵之說。萬難俯就。該使聲稱。若不允其所請。即當回京赴總理衙門商辦。復告以非理之求。總理衙門亦萬不能准。何必徒勞往返。轉致稽遲。不如在津商辦。較為妥速。該使堅不聽從。執意回京。初八日復遣隨來章京前往該館譯處百般譬喻。不克挽留。現於初九日由水路起程。臣等查該使肆意要求。迫我以難堪之事。無論其如何鴟張。總當處以鎮靜。況聞該使所求。未必即出自該國主之意。如果該國

志在決裂。即將該三員議抵。亦於事無裨。徒損

國體。倘該國不欲決裂。則我諸事業已俯就。此事不妨力與
相待。且該使狡悍異常。詭謀百出。並未明言該三員議抵
後。即可了案。誠如

聖諭。洋人得步進步。若事事遂其所求。將來何所底止。是欲弭釁
而仍不免啟釁。臣等窺該使之意。若非京外一體拒絕。必
不甘心。是以再三勸阻。不肯聽從。此次到京。必仍百計要
挾。伏乞我

皇上宸衷睿斷。定見力持。該使不遂所請。未必不自行轉圜。回津
商辦。庶此案稍易措手矣。

曾國藩又奏。保定銘軍二千餘人。張秋銘軍九千餘人。先後調集天津滄州等處。李鴻章所部郭松林。周盛傳等軍。旋當東來。直境荒歉之後。糧食艱貴異常。軍米一項。猝難購辦。淮軍部眾。率係南人。慣食大米。南方採買。海船裝運。節節為難。現在福建船局購辦京米。已由前任臺灣道吳大澂解運抵津。且擬截留二萬石。存儲津郡。以濟急需。合無仰懇

天恩。准將此項福建運到之米。由天津撥留二萬石。以為李鴻章軍營及銘軍全隊之用。俾各軍抵津。不以缺食為患。如此通融辦理。於大局實有裨益。

曾國藩又奏。臣欽奉同治九年六月二十八日

上諭。令傳振邦前赴天津。聽候該督調遣。其練軍及標營官兵。已令傳振邦豫為部署候調等因。欽此。查此時津郡不甚危急。該提督所帶新練之軍。尤難當此大敵。徵發太繁。無裨實際。似可毋庸赴津。即經臣玉致總理衙門查照。昨接玉復。此節應俟毛昶熙到津會商。奏明暫緩。亦無不可。茲經臣與毛昶熙會商。意見相同。除咨令該提督暫緩來津外。謹附片陳明。

諭軍機大臣等。曾國藩等奏。法使仍執前議。徑行回京商辦一摺。羅淑亞無理要挾。所請府縣抵償一節。萬無允准之理。昨已傳

諭錢鼎銘將張光藻等解赴天津。並令曾國藩等取具該府縣親供。照會該使。以期迅速了結。今羅淑亞既因不遂所欲。悻悻回京。此時中外一心。非理之求。總理各國事務王大臣自能堅持定見。力拒詭謀。曾國藩等仍當將解兇等事趕緊辦理。不得因該使業已來京。稍涉鬆勁。一面飭張光藻等速遞親供。在津候質。如此辦法。該使理屈辭窮。或當自行轉圜。回津商辦也。另片奏請將福建船局購辦京卷截留二萬石存儲津郡。備李鴻章軍營及銘軍全隊之用。係為豫籌兵食起見。著照所請行。傳張邦。已傳諭令其折回古北口矣。

又

諭傳諭直隸提督傅振邦。前據傅振邦奏。部署各軍。於初五日由古北口起程赴津。茲據曾國藩等奏。請飭該提督暫緩來津等語。古北口練軍及提標營各官兵。本可緩為徵調。該提督於接奉此旨後。無論行抵何處。即行折回古北口。暫緩赴津。仍著將新練各軍。勤加訓練。悉成勁旅。不可有名無實。

丁丑。

諭軍機大臣等。前因天津民教啟釁。諭令沿江沿海各督撫等。於各口岸嚴密設防。該督撫等諒已遵旨籌辦。津事尚無頭緒。羅淑亞多方要求。雖據曾國藩等據理駁斥。該使臣桀驁性成。未能就我範圍。現又由津至京。能否不至決裂。未可豫定。此時惟

有先籌防守。以杜洋人窺伺之心。著馬新貽、英桂、瑞麟、李瀚章、
丁日昌、英翰、劉坤一、丁寶楨、郭柏蔭、劉崑、李福泰、黃翼升、張兆
棟、楊昌濬。於各省通商口岸。迅速籌防。萬一洋人兵船駛至。務
須設法堵禦。勿任其來虛肆擾。或至占踞口岸。如有疏虞。惟該
督撫等是問。所有沿江沿海水陸官兵。仍當懷遵前諭。力加整
頓。並著將現辦情形。詳晰具奏。

三口通商大臣兵部左侍郎崇厚奏。竊。於六月二十四
日。承准軍機大臣密寄。奉

上諭。崇厚已派出使法國。自應及早啟行。著曾國藩體察情形。如
崇厚此時可以交卸。即著該侍郎先行來京陛見。以便即日起

程等因。欽此。仰見

聖謨廣運。欽佩難名。茅伏查其時正值法使羅淑岳甫經到津。逞其虛憍之氣。與督臣疊次照會。固執己見。否則立啟兵端。情形萬緊。茅以大局所關。大義所在。自應在津幫同曾國藩殫竭血誠商辦。但求於時事少有挽回。不致遽行決裂。當經督臣奏明。令茅暫暖晉京在案。嗣又欽奉

上諭。毛昶熙著前赴天津。會同曾國藩查辦事件。欽此。尚書毛昶熙於七月初五日到津。次日即約同茅前赴威安碼頭。羅淑岳處。竭力攔阻。勸其在津辦事。不必晉京。奈其回京之意已決。堅執不從。現在羅淑岳威安碼頭。已於本月初九初十

等日。先後起程回京。才思英法兩國使臣。既皆回京。是津郡目下情形。與月前稍異。才係奉

旨出使法國之人。受

命以來。已逾一月有餘。

諭音決汗。早經宣布泰西各國。誠如

聖諭。自應及早啟行。以敦和好而彰大信。才早行一日。即可早安外國一日之心。於籌維大局。極有關繫。才當與曾國藩毛昶熙商明。相應欽遵

諭旨。先行來京

陛見。至大理寺卿成林奉

旨署理通商大臣一缺。該京卿已銷假多日。自可來津。茅擬於拜摺後。卽行帶印啟程。趨詣

闕廷跪聆

聖訓。所有茅銜門應行交代事件。業已逐件清釐。統俟成林受篆。卽將關防文件。一併派員齎交成林接收。現時署中日行事件。查照成案。飭派通商委員鹽運使銜江蘇補用道陳翰荅代拆代行。並查明茅歷次出差章程。遇有中外文移事件。暫用天津關監督印信。至銜署關庫重地。行文天津鎮道派撥弁兵。小心守護。

諭軍機大臣等。崇厚奏。體察津郡現時情形。擬卽來京陛見一摺。

崇厚著即來京。其三口通商一缺。著毛昶熙暫行署理。崇厚即
將關防交毛昶熙接收。毋庸攜帶來京。津門應辦事宜。仍著曾
國藩毛昶熙懍遵。疊次諭旨。安速籌辦。

己卯。江蘇巡撫丁日昌奏。竊臣於七月初四日。欽奉寄

諭。近日各省民教仇殺之案。不一而足。洋人動以兵船恐嚇等因。
欽此。伏查天津民教互鬧一案。在法領事尤戾性成。固屬
禍由自取。然傷斃彼族官民教士至二十餘名之多。在羅
淑亞虛掩矜張。難保不捏情虛報。而各國幸災樂禍。覬覦
將來得有優異。一體均沾。亦無不極力怂恿。從旁幫助。莫
開兵端。即一意主撫。亦必先能守而後能撫。是則暗中防

雖一端實為目前切要之舉也。惟向來外國構釁。專以水戰取長。而法人則兼長於陸。現在沿江沿海。所設防兵。如長江外海水師船隻。不過舢板廣艇之類。若在江海陡遇風濤。兵勇即顛簸不能站立。何況打戰。其製造局新造輪船。合江閩二省。不過四五號。身小力薄。以捕海盜則有餘。以禦外侮則不足。而且船中多係洋人駕駛。設遇有事。發縱亦難如意。此沿江沿海口岸水師之實在情形也。邇來中原甫經肅清。西南軍務。總未竣事。游勇會匪。伺隙而動。論目前之事勢。則宜以羈縻為萬全。論事後之經營。則宜以自強為根本。臣前曾密陳綠營兵制。宜化散為整。並與

曾國藩商及水師章程。亟宜改絃易轍。天下事窮則變。變則通。方今強敵環立。攻之之法。與從前不同。則禦之之術。亦當與從前有異。故固民心則先當擇循吏。練隊伍則先當擇將官。紆邊惠則先當改營制。精器械。練輪船。建礮臺。然此皆當綢繆於平日。非能取辦於臨時。若毅然決然。為力改因循之計。則今日雖弱。他日可強。今日雖屈。他日可伸。內則卧薪嘗膽。外則虛與委蛇。誠如

聖訓。兵端不可自我而開。蓋發之匪難。收之甚難。固不可不躊躇審重而出之也。臣起程在部。當屬張兆林密籌守禦。不可稍涉懈怠。而蘇省密邇彼族。尤不可遇事張皇。致華洋疑

忘日深。轉成不可了之局。區區愚見所及。是否有當。謹遵
旨密陳。

丁日昌又奏。臣止在具摺覆奏間。復於七月初六日。欽奉
密諭。天津滋事一案。前經派令曾國藩前往查辦等因。欽此。臣奉
諭後。卽一面傳知張兆棟護理巡撫印務。一面料理啟程。惟查上
海中國輪船。除恬吉白雲等船。經李鴻章調派解餉赴楚。
尚未駛回上海。其餘操江鐵皮兩船。均未到過天津。而又
派在江口護送秋試士子。展轉剝調。更屬遲延。臣若附搭
外國輪船。計由蘇至滬。尚須數日。而該船又須待客貨滿
載。方肯開行。行期不能由己作主。駛至煙臺。尚須起貨耽

閱一二日。轉覺遲延。臣再四思維。惟有在蘇東小輪船至清河。即由清河起早前進。晝夜兼程。計程雖二十餘里。約十餘日必可趕到。似較海道尤為迅速。上海為通商第一碼頭。華洋雜處。綏輯不易。臣現將應辦事宜。詳細交代張兆棟。臣母今年八十九歲。自去冬臥病在牀。臣啟程後乏人侍奉。亦應將醫藥一切。略為料理。臣定於初八日交卸。即於是日兼程北上。天津地方。臣向未到過。惟聞此次教堂用藥。迭揚。既查無確據。而百姓滋事之時。又未見地方官認真彈壓。洋人忿激要求。自必出於情理之外。然百姓尚可諉為不知輕重緩急。至於地方官明知時勢艱難。元

氣虛弱。當百姓紛紛聚眾之時。果肯認真彈壓。即使因而受傷。亦尚可平其氣而釋其疑。乃任百姓逞一朝之忿。遂致

國家受無窮之累。過誤似亦不輕。至臣前在藩司任內。有密陳豫籌修約一疏。係由曾國藩李鴻章代為奏咨者。不知此疏在何處為洋人所轉鈔。去年羅淑亞到上海時。與臬司杜文瀚上海道涂宗瀛言及。甚為忿忿。七年曾國藩奏請設立沿海水師。言臣素有捍禦外洋之志。此疏刊刻傳布。洋人亦復恨之切齒。是臣言斷不為羅淑亞所信。可揣而知。臣在途次。如聞天津情形緊急。即當折往天津。幫

同曾國藩力籌守禦。若情形尚鬆。臣當先行入京跪聆聖訓指示。然後再行赴津。緣起事雖在天津。而了事之樞紐。則不在天津也。

丁日昌又奏。再天津距京太近。而又為濱海重鎮。若萬一決裂。則兵連禍結。漕運餉道。在在均關要著。不比他省地方。與之構釁。尚可徐圖布置。默計彼若決計用兵。定以上海為後路。李鴻章頻年平捻平髮。而又熟悉洋務。素為洋人所畏服。可否飭調李鴻章統兵由江東下。以示彼若無理要挾。則由上海搗其後路。且天津如果和議不諧。誠不如由外省與之挑釁。使彼移前敵之兵以顧後路。亦可稍

紆近畿之急。惟李鴻章業經行到陝西。相隔太遠。恐非二三月不能到滬。抑或飭調李鴻章先行移紮近畿。以資護衛之處。恭候

聖裁。至直省駐紮之銘字營。向恃洋槍為得力。然有洋槍而無洋藥。則利器為虛設。該營洋藥銅帽軍火等件。向由江甯蘇州兩軍械所源源接濟。近因淮軍赴陝。李鴻章業將甯蘇所存軍火。提至湖北襄陽一帶存儲。以便就近接濟陝省勦賊之用。昨日紮張秋之銘字營。以軍火缺乏。赴蘇請撥。雖蘇局軍火提存無多。祇可先其所急。飭局應付。惟由運河起解。非兩月不能運至天津。誠恐緩不濟急。且已飛飭

上海來辦軍火委員劉瑞芬等。迅即設法。將軍火暗中由沙船運至天津。現在尚有南風。似較由內河可速數倍。惟洋人如已聞警。則采買軍火。必多掣肘。可否

密飭曾國藩查明所部軍火短缺何項。是否天津尚有存儲。行知沿海沿江各督撫。將天津應用軍火。設法機密由海道起解應用。庶免臨渴掘井。抑臣更有請者。自古以來。往往局外之議論。不諒局中之艱難。然一倡百和。亦足熒聽聞而挽大計。卒之事勢決裂。

國家受無窮之累。而局外不與其禍。反得力持清議之名。臣每讀書至此。不禁痛哭流涕。現在事機緊急。守備則萬不

可缺。至於或戰或和。應由

宸衷獨斷。不可為眾論所動搖。

諭軍機大臣等。丁日昌奏。密陳交涉大概情形。並交卸起程北上。豫籌備禦各摺片。覽奏均悉。天津之事。法使羅淑岳。必欲將府縣及陳國瑞正法。此事萬難照辦。經曾國藩等據理駁斥。該使仍復狡執。現又回京欲向總理各國事務衙門覈舌。已諭令該王大臣堅持定見。力拒詭謀。一面仍令曾國藩等將緝兇等事趕緊辦理。丁日昌業經起程由旱道北上。著仍遵前旨。兼程前進。馳赴天津。幫同曾國藩。毛昶熙商辦一切。毋庸先行來京。際此時事艱難。總以力保和局為是。其非理之求。仍當力與辯論。

以睨大體。惟洋人恃強逞忿。動以兵船恫喝。戰守之策。自宜豫為籌備。張秋銘軍。現已調赴滄州一帶駐紮。並令李鴻章統帶郭松林等軍。馳赴近畿一帶。以備不虞。該督業於本月初七日。先帶親軍啟行。不久當可趕到。此間布置既定。洋人知我有備。或可稍戢其虛憍之氣。一面仍與轉圜。可期早日了結。所陳豫籌軍火一節。已諭令曾國藩照辦矣。

又

諭丁日昌奏。密陳交涉大概情形。並豫籌備禦各摺片。蘇省華洋雜處。竊慮彈壓。較他省為難。此時情形。尤屬緊要。全在地方大吏。操縱得宜。特以鎮靜。事前妥為布置。以備不虞。方可消弭爭

端。不至別生枝節。丁日昌現已起程赴津。所有江蘇省水陸要隘。及一切守禦事宜。均著馬新貽張兆棟悉心籌畫。務臻妥協。惟不可稍事張皇。免致中外兩不相安。轉生疑忌。丁日昌以洋人若決計用兵。必以上海為後路。請調李鴻章統兵由江東下。示以彼若決裂。則由上海搗其後路。此亦牽制洋人之法。惟李鴻章現已調赴近畿。丁日昌所奏各情。即著馬新貽張兆棟酌度機宜。據為籌備。將來如此懾以兵威。使彼有所顧忌。則天津之事亦易轉圜。是在該督等先期部署。庶臨事方有把握。

又

諭。丁日昌奏。張秋銘軍。以軍火缺乏。赴蘇請撥。已飭上海采辦軍

大委員暗中由沙船運津。以期迅速。惟洋人萬一間察。米買軍火。必多掣肘。請飭查明豫為籌備等語。著曾國藩查明所部軍火短缺何項。是否天津尚有存儲。行知沿海沿江各督撫將應需軍火。設法密由海道解津應用。庶免臨時缺乏。此係簡豫不虞。為木雨綢繆之計。曾國藩仍當與毛昶熙妥為辦理。力保和局。以弭釁端。丁日昌已於本月初八日起行。由陸路兼程前進。本日已諭令迅速赴津矣。丁日昌摺一件。片二件。均著鈔給閱看。

貴州巡撫曾壁光等奏。竊去歲遵義府城民教滋事一案。

臣曾將大概情形奏

聞。撤委道員陳昌運等。前往辦理。嗣蒙

飭令協辦大學士湖廣督臣李鴻章派員來黔會辦。旋經督臣奏

委道員余思樞赴黔。臣復添派藩司黎培基。臬司林肇元。

道員吳德溥等。會同余思樞督飭教案局委員馬應鑄。汪

維翰等。赴該教士堂中。徹底根查。據委員等面奏。以教士

任國柱向稱黔省教案。積壓甚多。現經派員來黔。請即一

併舉辦等語。臣以各起案情。雖有輕重。而事涉中外。上座

聖懷。該教士既有此請。若不分案清查。即違義案結。亦屬前事未

了。惟案至九起。頭緒紛繁。往返籌商。致稽時日。屢次恭奉

諭旨飭催。並准總理各國事務衙門咨錄法國公使羅淑亞所述

各件。臣復嚴催該司道等。迅速歸案。逐一清查。隨時裁商。總期遵照條約。持平辦理。不得稍涉枉縱。致起爭端。茲據該司道等稟稱。該教士以先後各案。仰蒙

大皇帝飭查疊次。意甚欽感。現已逐案查明。一律歸結。共釋前嫌。永敦和好。呈送結案清單。稟請裁辦前來。當即飭令照案議結。謹繕案單恭呈

御覽。現擬出示曉諭各屬。嗣後遇有民教交涉事件。均照條約辦理。以期永遠相安。

黔省現結先後教案清單

一遵義府城。於八年五月。有毀堂阻教。搶害教民一案。

一興義府城圍首劉觀得有殺害教民一案。

一署永甯州尹街掌羅二告控告殺害教民一案。

一彈壓中路已經陣亡之副將田興貴。因施司鐸在途失事一案。

一安順府城圍首文際昌有殺害教民一案。

一桐梓縣圍首王大珩有殺害教民一案。

一代辦都勻府錢瓊有阻攔文司鐸不許進獨山州城一案。

一綏陽縣城經堂。被川省營員劉子貴有毀壞堂中什物一案。

一守備潘應璽因駁兩司鐸行路滋事一案。

以上各案均已三面議明辦理完定。恐後無憑。立此存查。

御批覽

曾壁光人奏。遵義等處教案。已於上月議結。因設堂行教等事。必須由省商議。連日與該教士往復妥議。以便赴遵舉行。正該摺拜發。聞復承准軍機大臣字寄。本年五月初五日。欽奉

諭旨。添派成都將軍崇實來黔會商等因。欽此。旋准崇實咨會。已派委員楊蔭棠等先行會同余思樞襄問等前往清查。擬親駐重慶。就近督辦等語。崇實於教案本極熟習。楊蔭棠

等亦素有鄉望。與余思樞塞問等。均稱合手。重慶為通中
之地。部著甚協機宜。臣查遵案雖結。而設堂行教諸事。尚
須體察民情。逐一從妥辦理。以期永遠相安。已諭令余思
樞等。侯楊蔭棠等至後。即在道會商妥辦。一面分稟崇實。
與臣會覈。以免歧誤。

諭軍機大臣等。曾璧光奏。黔省教案。全行議結。開單呈覽。暨咨會
崇實會同。嚴辦各摺片。貴州遵義等處教案。共有九起。現經曾
璧光派委司道各員。會同該教士。逐案查明。一律歸結。擬即出
示曉諭各屬。以後遇有民教交涉事件。均照條約辦理。所籌甚
為妥協。著曾璧光。即將各案如何議結詳細根由。迅速咨明總

理各國事務衙門。以憑查覈。黔省教案。雖已全結。而設堂行教等事。尚須妥籌辦法。該撫務當飭令余思樞。奏開會同楊蔭棠等體察民情。設法開導。毋令再生枝節。仍隨時咨商崇實酌量辦理。免至以誤。並檄飭地方官嗣後務當持平辦理。勿任再滋事端。前有旨令崇實馳赴遵義就近督辦。此時遵義教案已結。尚有設堂行教事務。亦須督率委員逐一經理。操縱方合機宜。崇實應否仍赴遵義之處。著卽酌量情形。以定行止。

庚辰總理各國事務恭親王等奏。竊查本月十四日。法國使臣羅淑亞到京。請示何日接見。臣等卽令於十五日來見。先是臣等屢接曾國藩毛昶熙來函。以羅淑亞堅執欲

將已革天津府縣及提督陳國瑞議抵之說。不願在津商酌。必欲來京等情。臣等逆料該使臣來臨。定多狡執。茲於十五日。該使臣奉同編譯官德微理亞前來。當經臣等接見。該使臣仍以主使之說。歸咎府縣各官。持定前議。不稍通融。雖經臣等正言駁辯。仍執前言。臣等亦堅與爭持。毫未鬆勁。該使臣又以曾國藩到津五十餘日。辦理遲延。並無確實辦法。當答以曾國藩一到津郡。即為查拏兇犯。修葺教堂。並為奏請昭雪。種種認真經理之處。以破其遲延之說。渠又稱兇手尚未拏獲。則告以現已先後緝獲多名。正在詳細研究。又謂教民慘被非刑。備極酷毒。該地方官

似此情形。應請查辦。復答以此事當為查明實情。覈辦。此
臣等與羅淑亞此次由津到京。初見辯論津案之大概情
形也。總之該使臣非理之求。斷難遽就。而於近情之請。必
當趕緊經理。以示中國誠信待人。盡其在我之意。相應奏
請。

飭下曾國藩。毛昶熙。悉心籌商。一切確訪案內正犯。迅速拏獲。歸
案訊究。毋任漏網。並查明教民等酷受非刑一節。是否屬
實。詳細覆奏。以憑覈辦。

諭軍機大臣等。總理各國事務衙門。奏法國使臣到京。議辦天津
教案。謹陳詳論情形一摺。據稱羅淑亞到京。接晤後。仍以主使

之說。雖咨府縣各官。持定前議。不稍通融。該王大臣堅與爭持。毫不鬆動。該使臣又以曾國藩到津五十餘日。並無確實辦法。允手尚未拏獲。並以救民慘被非刑。應請查辦為詞。該王大臣答以曾國藩一到天津。即為緝允修堂。並為奏請昭雪。現已先後緝犯多名。詳細研究。辦理認真。以破其遲延之說。其救民酷受非刑一節。允為查明覈辦等語。該使臣非理之求。斷難遷就。而於近情之請。必當趕緊辦理。以示誠信。此時如將下手滋事之犯。訊出確實供詞。按律懲辦。則洋人自不至節外生枝。再歸咎於府縣。著曾國藩毛昶熙督飭丁壽昌等。將現獲各犯詳細研鞫。並將案內正允迅速拏獲歸案訊究。毋任漏網。總期早一

日結案。即可早一日轉圜。切勿稍涉遷延。致滋洋人口實。至教民酷受非刑一節。或平日民教相仇。桀卒人等遇有被押教民。借以洩忿。亦未可定。即使實有其事。地方官不過失於覺察。無所用其迴護。若曾國藩毛昶熙確切查明。據實覆奏。張光藻劉傑。現在何處。已否到津。尚未據曾國藩等奏到。本日又諭令錢鼎銘將該員等迅速解津。趁此洋人在京。趕緊取其親供。由曾國藩等奏明辦理。庶其中不至為難。若以奉旨治罪之員。任其他去。既於國體有傷。在該革員等亦非計之得者。且使洋人得所藉口。於議抵一節。更將牢不可破。該督諒早見及此也。曾國藩等前奏力保和局。堅持定見。誠屬審時度勢之論。惟不應辯

者固不可許。應辦者亦必切實辦理。速辦則洋人無可置喙。遲則多所要求。曾國藩毛昶熙同辦一事。務當悉心籌商。密速妥辦。以副委任。

人

諭前諭錢鼎銘將已革天津府知府張光藻已革天津縣知縣劉傑派員解往天津聽候質訊。該革員等現在何處。已否解往。如尚未起程。著錢鼎銘據遵前旨。速派妥員。將該革員等立即解津。此事關繫緊要。毋得任意耽延。具起程日期。並著由該臬司迅速覆奏。

壬午。

諭軍機大臣等。前諭李鴻章帶兵馳赴近畿。已據該督奏報起程。不久當入直境。因思此舉本係木雨綢繆。豫為籌備。自宜嚴密。市且。木可先露風聲。現在天津之事。木即決裂。若調兵信息。早為洋人窺破。必致人生疑忌。著李鴻章於行抵直境時。酌度情形。即將所帶各營扼紮直隸邊境。獲鹿一帶。或於河北彰德山西平定等地方分紮。總以防回匪竄擾為名。該督務須不動聲色。持以鎮靜。用昭慎重。至正定廣平等處。均有洋人教堂。李鴻章務當就近彈壓兵民。毋許滋事。免致別生枝節。

癸未。吉林將軍富明阿。副都統毓福奏。竊等。等於七月初六日巳刻。承准軍機大臣密寄。同治九年六月二十七日。

奉

上諭。伯彥訥謀。粘奏。請調馬隊。以備不虞。一摺等因。欽此。等因。欽此。遵之下。伏思該處。近接畿輔。最關緊要。亟應遵

旨。照數挑派。適委委員管帶。當茲秋高氣爽。應令剋期趕緊起程。前往。以防不虞。是以。等因。即按照吉林各城。在營官兵數目。多寡。均勻分撥。檄令趕緊照數挑派。陸續送省。等因。再行。復加揀選。並一面由吉林木城十旗存營兵內。親加挑選。茲擬由吉林烏拉伊通額穆赫索羅甯古塔琿春伯都訥三姓。阿勒楚喀拉林雙城堡等處。共挑派精壯官兵二千名。分為八起。送委曾應戎行之頭品頂帶記名副都統

北拉嘎圖已圖魯參領常海。頭品頂帶記名副都統敦勇
巴圖魯協領富珠里。副都統銜依拉圖勒巴圖魯花翎協
領桂慶。記名副都統德音木巴圖魯佐領興祿等。委為帶
兵統領。以期沿途督飭彈壓。擬令統領桂慶。常海。督帶頭
二三四起吉林烏拉等處官兵。其統領富珠里督帶伯都
訥等處五六起官兵。興祿統領三姓等處七八起官兵。即
令按起相繼起程。星速遞進。所有該官兵需用整裝銀兩。
當因庫款支絀。暫由鋪商借墊。俟各外城官兵陸續抵到。
即可酌定起程日期。

御批。知道了。

甲申。

諭軍機大臣等。本日據軍機大臣呈遞直隸按察使錢鼎銘稟。云據稱已革天津府知府張光藻。因患病出省。在順德府調治。已革天津縣知縣劉傑。亦在密雲縣治病。已派員分赴守催等語。覽奏不勝詫異。張光藻、劉傑。以奉旨治罪人員。即使患病屬實。亦應在天津聽候查辦。乃該革員等。一赴順德。一赴密雲。捏病遠避。直視諭旨如弁髦。尚復成何事體。試思該革員等。不呈遞親供。辨別是非。總理各國事務衙門王大臣等。與洋人照日辯詰。何能以空言相抵。朝廷之令。該革員等赴津者。實由示保全之意。乃皆不能體會。偷然置身事外。若使洋人聞之。豈不益滋

口實。此事關係重大。不可再涉遲延。著錢鼎銘懷遠前旨。星夜派員前往。將該革員等迅解天津。不准藉詞託病。仍著將起解日期。趕緊覆奏。曾國藩於張光藻等革職後。率行給假他出。實屬不知緩急。並著派員勒限催提。俟解到日。會同毛昶熙取具該革員等確切親供。以憑覈辦。若再託詞遠避。國法具在。豈能寬宥。

丙戌。大學士直隸總督曾國藩奏。臣前奉六月十四日寄諭。今彭玉麟迅赴江南。並垂詢劉銘傳能否來直。楊岳斌起用能否得力等因。續奉六月二十七日

諭旨。今臣撤催劉銘傳兼程赴直。統帶銘軍。以備緩急等因。欽此。

查檢逆肅清以後。劉銘傳即堅請開缺。臣七年北上時。遇劉銘傳於清江。再三慰留。該提督面稱歲補如有緊急。仍當投袂而起。昨臣徵調張秋銘軍。即經致函勸駕。催令迅速赴軍。目下淮勇半已遣撤。李鴻章所部。多係選用宿將。添募新勇。惟銘字一軍。尚係百戰之舊卒。其開花礮隊。亦較他軍為尤精。但駐防過久。恐於戰事稍疏。若令劉銘傳親出統馭。不難復還舊觀。勦力用命。劉銘傳在同時諸將中。實為魁傑之材。此次催令來直。可否稍示優異之處。伏候

聖裁。彭玉麟前治水師。積勞過久。謝病還家。近來每與臣書。屢言

病狀增劇。

諭旨飭赴江南。未審能否即出。楊岳斌上年不憚千餘里之遠。訪
鮑起於夔州。李鴻章過夔門聞有此事。即欲爲令復出。治
軍海上。與臣往返玉商。其後楊岳斌復鮑起書。以親老身
病爲辭。議遂中止。今奉

諭旨。臣已致書楊岳斌。彭玉麟二臣。詢其能否再出。俟有復信。續
行奏陳。臣竊謂治海上之水師。與江面之水師。截然不同。
江則輕船小艇。已爲利器。海則非有堅重輪船。配用巨礮。
斷不足自立。以與敵爭衡。江則兩湖三江之人皆可召募。
海則風潮掀簸。非閩廣甯波沿海之人。往往嘔吐發顛。不

能使習重洋。江則支湖小港。一望可知。海則浩無津涯。非
練習多年。不足以定方向而測淺深。其餘均須艱難創造。
另起鑪錘。長江得力之將帥。用之海上。殊恐違地弗良。今
中國輪船。甫經修造。尚不盡如洋人兵船之式。洋槍洋礮。
甫經操練。亦不能及洋人技藝之精。至如召募水軍。出海
操演。此時尚未議及。苟欲捍禦外侮。徐圖自強。自非內外
臣工。各有臥薪嘗膽之志。持以一二十年之久。未易收效。
然因事端艱鉅。畏縮不為。俟諸後人。則後人又將託辭以
俟後人。且永無自強之一日。茲當開港。兩廠船成之時。即
當於兩處選立統將。慎擇船主。出洋操練。無論有警無警。

窮年累歲。練習不懈。或者求艾三年。終有可以即戎之時。諭軍機大臣等。曾國藩奏遵旨。函致彭玉麟等。能否再出。續行覆奏等語。彭玉麟等受恩深重。當此國家多事之秋。自應力圖報效。著曾國藩於接到彭玉麟楊岳斌復信時。即行具奏。候旨簡用。劉銘傳勇往過人。治軍有律。據曾國藩奏稱。此次催令來直。可否稍示優異。著侯劉銘傳到直後。再行聽候諭旨。曾國藩所陳治海上水師。與江上水師。截然不同。苟欲捍禦外侮。徐圖自強。非持以一二十年之久。未易收效。然因事端艱鉅。畏縮不為。俟諸後人。則水無自強之見。茲值閩粵兩廠船成。即當於兩處選將操練各情。所籌切中竅要。近來內外臣工。往往遇事機緊。

急。使事張皇。迄禍患略平。則人泄當成風。為目前苟安之計。即使創立戰守章程。而在事諸臣。奉行不力。事事有名無實。遂使朝廷深謀遠慮。均屬具文。似此因循成習。何時可冀自強。何時可平外患。宵旰焦勞。無時可釋。現在閩滬兩廠輪船。次第告成。著馬新貽。丁日昌。英桂。沈葆楨。於兩處各擇統將。出洋操練。無論有警無警。窮年累歲。練習不懈。方可備不虞而操勝算。廣東亦應籌備輪船。巡防海口。著瑞麟。李福泰。一體認真辦理。以上各輪船。務須均用中國人駕駛。以期緩急足恃。至各省將備中。如有才具出眾。熟習風濤沙線者。著各該督撫隨時保奏。以備推用。即山林草野之中。有長於海戰者。亦當隨時留心物色。量

才起擢。庶才能以撥羅而出。將士皆干城之選矣。此外如另有
備禦之策。並著該督撫等全局統籌。隨時具奏。該督撫等均為
國家重臣。務當實心任事。為當膽臥薪之託。共挽時艱。以副委
任。曾國藩原片。均著摘鈔閱看。

著胡廣總督浙江巡撫李瀚章湖北巡撫郭柏蔭奏。竊臣
等承准軍機大臣密寄。同治九年六月二十五日奉

上諭。前因天津民教相爭。致釀法國領事人等。蒙由匪徒迷拐。劫
查天津民教相爭。致釀法國領事人等。蒙由匪徒迷拐。劫
孩而起。該領事執封中國官員。施放洋槍。以致民心忿激。
釀成巨案。現既經直隸督臣曾國藩前往查明情形。覆奏。

當可妥速辦結。萬一法使藉端要挾。慾壑難填。包藏禍心。變生不測。誠如

聖諭。斷不能任其肆意猖獗。自宜豫為之防。竊思近來在內地設堂傳教者。惟法國人為最多。中國秀民匪徒。每恃習教而作奸犯科。魚肉良善。地方官因投鼠忌器。辦理不無寬縱。愚民無知。往往逞忿私鬪。致各省民教仇殺之案。層見疊出。法使惟利是圖。動輒以兵船脅利執索。良民飲恨既久。積怨愈深。無不人人切齒。其所以隱忍吞聲。受之而不報者。非畏外洋之強悍。實守我

國家之法度也。日後如須用武。百姓莫不奮臂爭先。願與決

勝。眾志成城。此民心大可用者也。迴溯洋人入寇之初。蓋緣中華承平日久。武備廢弛。民不知兵。兵無關志。但聞船礮之堅利。莫敢撓鋒而迎敵。後值髮捻各逆。相繼倡亂。內患方殷。無暇守禦。彼遂乘機思逞。

朝廷懷遠以德。一視同仁。許以通商。准立和約。乃屬一時權宜之舉。現中原底定。東南肅清。各省留防未撤之兵。皆久經戰陣。緩急可資。民間歷年舉辦團練。風氣亦漸轉弱為強。洋人所恃之軍火器械。中國近年設局仿造。聞亦有之。兵民皆視為尋常之物。而無畏蕙中餒之志。此軍器較利於昔者也。設或事有決裂。本任督臣李鴻章。自當率師北

上。拱衛

畿輔不能回顧。楚境就湖北形勢而論。地居腹心。首重江防。下游黃州所屬之半壁古田家鎮。壤接江西。最為要隘。固宜設防於此。然洋船必由京口入江。方能上駛。一旦有警。尤以堵守京口為先務之急。所有漢陽岳州兩鎮水師各船。將來長江提臣黃翼升。必調赴江南。扼紮海口。協力堵禦。以固門戶。未便仍畫汎地。株守一隅。查鄂省現在留巡襄河荆江水師礮船。共計有二百餘號。陸勇除目前李鴻章調赴西征外。尚有六千餘人。水師各軍。皆精壯能戰。堪以禦敵。至通省各標經制官兵一萬八千餘人。均經臣等

隨時督飭挑運操演。士卒尚屬駢壯。足以彈壓地方。如果
海疆不靖。鄂省辦防。就現有之兵力。酌量增募。部署保衛
楚德。當可無慮。臣等惟有密會水陸提督。暨鄰省各督撫
嚴飭所屬各營將弁。勤加訓練。認真整頓。明示鎮靜。暗為
防範。斷不敢徒託空言。致滋貽誤。亦不敢孟浪從事。輕啟
釁端。以冀仰副

聖主未雨綢繆之至意。

李瀚章等又奏。洋人現在內地各省通商碼頭。開行貿易
罕眷僑居者。共有十餘國之多。其衣冠形貌。大抵相同。雖
彼族各分其類。而中國人與之語言不通。莫能辨其何者。

為法國之人。何者為英美等國之人。即火輪夾板等船。所
登旗幟。僅分顏色。而無國名字號。亦屬難以辨認。將來法
國萬一構兵。所有各口岸碼頭。寓居洋人。以及往來各項
洋船。應如何分別防範保護。必須先能辨明各國其人其
船。辦理方有把握。想總理衙門通籌全局。學畫周詳。定與
英美等國住京公使豫籌辨認區別機宜。密行知會各省。
妥為照辦。毋俟臣等總總過慮也。

諭軍機大臣等。李瀚章。郭柏蔭奏。整頓水陸各軍。現辦情形。暨請
豫籌辨認各國洋人各摺片。據稱湖北水陸各軍。現皆精壯。可
以禦敵。通省標兵。亦多曉勇可用。如果海疆不靖。鄂省籌辦防

堵。當可無虞。覽奏均悉。天津之事。現經總理各國事務衙門王大臣等。與法使辯論。尚未遽啟兵端。而未雨綢繆。不能不先期布置。鄂省長江天塹。守禦有資。惟該省水陸要區。均有洋人往來聚處。江防自應嚴密。該署督等所奏各情。於辦防確有把握。卽著不動聲色。聯絡鄰封。將水陸各營。妥為部署。並隨時認真整頓。以備不虞。此次津民。本與法國構釁。自可將各國區別辦理。以孤其勢。惟因誤傷俄英比意之人。以致各國藉口。均有連橫之勢。業經總理各國事務衙門王大臣等。設法調處。李瀚章等所陳。辨明各國人指。以便分別防範保護之處。如將來事機決裂。當由總理各國事務衙門相機照辦。理。

山東巡撫丁寶楨奏。竊臣於同治九年六月二十九日。七月十六日。疊次欽奉

密諭。以天津民教啟釁等因。欽此。又於九年七月初五日。欽奉上諭。令遴選久經戰陣之員等因。欽此。仰見我

皇上宸謨廣運。欽服莫名。伏查天津一案。當滋事之始。臣確訪情。形深慮。辦理之樞。為棘手。緣民教均有各不相下之勢。時重時輕。皆易激起爭端。雖在我法不可輕言用兵。而事變之來。恒恐出諸意外。是以豫防之道。不可不密為講求。臣當於六月中旬。先已函致登州鎮總兵陳得輔。以查緝營伍為詞。令其來省。與之熟計海口形勢。密謀布置。並密函

切屬登萊青道劉達善。令其於煙臺各洋行。加意附徇。如有假借津事。造言惑眾者。立即拏究。以安洋人之心。一面仍將海口。暗為體查情形。並煙臺洋人有何舉動。飛達密稟。以憑覈辦。謹欽奉

密諭飭辦。臣自當不動聲色。悉心妥籌。惟查東省海面。自日照縣之濤雄口。與江蘇交界起。至海豐縣之大沽河口。與直省交界止。中分為東南北三洋。每洋相距約四五百里不等。統計洋面約一千四百餘里。其間島嶼海口。大小統計二百數十處。道里頗形寥遠。若使處處布防。不惟無此兵力。且勢分力弱。亦不足以資堵禦。臣詳細審度。惟有擇要設

防。查文登縣屬之馬頭嘴石島福山縣屬之煙臺。蓬萊縣屬之廟島。掖縣屬之小石島五處。係洋船來往經由之道。現擬於此處酌定設防。此外若文登之鐵槎台。榮成之成山兩處。為洋船駛行東洋標準。而成山一處。地勢險要。船行必須開避。亦擬於兩處酌定每處各屯紮三數百人。編插旗幟。多設礮位。以作疑兵而資鎮懾。至於分布應需兵數。馬頭嘴石島兩處。共須防兵一千四百人。煙臺及蓬萊縣廟島兩處。最為緊要。每處必須防兵二千五百人。掖縣之小石島一處。亦須防兵一千二百人。合計五處。及鐵槎台成山兩處。共須防兵六千數百人。始敷布置。復

查登鎮所轄水陸各營除出師裁撤外。實存兵丁三千六百九十餘名。以之分防各島口。實不敷兵三千餘人。臣擬將來設防之時。酌定以記名提督現著日棟中軍參將吳組紳所帶勇丁二營合之。如不足用。擬在煙臺將福建廣東向在該處游散之徒。招募二三營。嚴行約束。俾為我用。一可以杜洋人勾結漢奸之謀。一可以靖內地藉端肆擾之害。惟是布置雖定。而津事並未稍形決裂。雖該洋人時以兵船要挾。究未顯露痕跡。此時辦理海防。亦祇可將地規畫定局。待時而動。萬不能遽行調派。轉令該洋人得以

藉口。臣刻惟悚遵。

聖訓。將沿海水陸各官兵。加意整頓。現已嚴飭各將弁。令其於各營兵丁。揀選足數。勤加操練。決不明言設防之事。以示鎮靜。萬一日後有警。調撥亦甚便捷。此臣現在籌辦海口之情形也。抑臣竊有說者。此次天津民教滋事。僅係法國而不及各國。僅係教堂而不及通商。以目前情勢論之。法國重傳教。而各國重通商。若一經用兵。於通商各國必多不利。洋人惟利是圖。似不肯以彼累此。故用兵一層。將來或不至此。所慮法使羅淑芬遇事任性。躁急妄為。則防之自應嚴密。然事機如果決裂。臣以為沿海各口之防。尚可緩圖。而大沽北塘等處。為

京師最要門戶。急當層層布置。但使兵勇得。不令洋人得以登岸。彼亦無計可施。目前雖將沿海防務規畫粗定。而根本重地。刻難去懷。現已將王正起所帶之振字四營。王心安所帶之東治二營。均調赴附近直境之德州陵縣。分地駐紮。今其巡防邊境。逐日操練。設使事機有急。即當親率北行。期於迅速。以顧根本。惟慮王正起所帶僅四營。王心安所帶僅二營。人數太單。設遇大敵。戰守均難自成。一隊。臣不得已。復令其將各該營前次遣撤得力舊部。選募十二營。分帶訓練。如一旦事變猝來。即可獨當一面。力遏狂氛。而於本省海口分布防兵。亦不必從中抽調。似於

內外均尚有裨益。

諭軍機大臣等。丁寶楨奏籌防海口。及練兵備調一摺。天津一案。法使羅淑亞肆意要挾。近復回京。向總理各國事務衙門覲見。疊經王大臣堅持定見。力與辯論。目前情形。雖不至遽行決裂。而此事如何辨結。尚無實在把握。此次啟蒙。雖由法國。亦有誤傷俄英比意等國之人。且洋人蜚語相依。遇事必相聯絡。不可不先事籌畫。以備不虞。丁寶楨擬於東省各海口酌定兵數。分別布置。所籌尚妥。著即不動聲色。慎密籌備。煙臺地方。華洋雜處。尤關緊要。務當飭令文武各員。拊循彈壓。免滋事端。王正起等營分紮德州等處。並著飭令認真訓練。以備緩急。

黑龍江將軍德英奏。竊於七月初九日丑刻。承准軍機大臣密寄。同治九年六月二十七日。奉

上諭。伯彥訥謨祜奏。請調馬隊。以備不虞等因。欽此。等伏查所屬各城兵丁。除調赴軍營外。現在存營者為數無多。並內有由軍營補甲。因受傷病撤回。疲弱者亦復不少。且本省地面遼闊。係屬極邊重地。西南與蒙古吉林連界。東北與俄國接壤。該夷屢屢違約。要求不息。並由水陸任意游行。其情叵測。所有防範巡查。在在均關緊要。加以呼蘭等處。招民開墾。該處與吉林屬境。僅隔一江。每屆封凍時。賊匪竄擾。由省派兵往捕。其各該要隘。以及附近山林。彈壓稽查。

一切差徭。皆資兵力。今就各城現有兵數計之。已覺過單。若再挑派精兵二千名。則各城存兵更少。遇有緊要差遣。實屬不敷分派。深慮貽誤。現由齊齊哈爾挑派精兵二百五十名。黑龍江挑派精兵一百五十名。墨爾根挑派精兵一百名。呼倫貝爾。布特哈兩處。各挑派精兵二百五十名。共酌派精兵一千名。由曾經出師各官內揀派二十四員。分起管帶。於八月初六日。由省啟程。續起各間二日前往。現調赴口官兵。仍查照向辦章程。自茂興站出境。由蒙古草地進法庫邊門。取道迅速赴口。一面先行飛咨。

盛京將軍奉天府府君直隸總督飭屬一體妥為豫備協濟。

馬匹車輛。以利進行。查本省額設軍械。均經歷次徵調官兵。攜赴軍營。現存捐造防夷軍器無多。遇有事故。實係不敷分發。此次奉

旨調取官兵。應需軍械。懇請

飭部撥給。抑或轉令直隸督撫等酌籌給發。以資應用。

諭軍機大臣等。前諭德英挑選黑龍江馬隊二千名。馳赴古北口一帶駐紮。茲據德英奏黑龍江所屬各城存營兵數無多。且須防守邊境。僅能挑選精兵一千名。擬於八月初六日陸續起程等語。即著照所請。飭令管帶各員。屆期迅速起程。不得沿途遲延。該將軍因存營軍械不敷。請飭部撥給。或令直隸總督酌籌

給發之處。著庫克吉泰於該官兵行抵古北口時。查看情形。奏
明辦理。

籌辦夷務始末卷之七十四